

Sauna, naluttarfik paasisassasiarluni angalanerit – gymnasiap pitsaanagerusup tun- gaanut

Atuarfiup illutai nutaaliaasut, kollegiat nutaat aamma atuarfimmi ulluinnaat eqaannerusumik pilersaarusiugaallutillu aqunneqartut gymnasiami atuartut ilinniartitsisullu gymnasiatsialak takorluugartik pillugu eqqarsaataasa pingaernerit ilagaat. Eqqarsaatit pingaartut allat tassaapput atuarnermi atortut nutaanagerusut, piffissap atuarfiup avataatigut peqatigiilluni ingerlatat amerlanerusut aamma fagit akornanni suleqatigiinnerulernissaq. Aamma atuartut ilinniartitsisullu ippiginerusaminnik oqaaseqarput. Atuartut ataatsimut isigalugu sule-riaatsit allanngorannerusut ilinniartitsisullu aalajaannerusut ujar- torpaat ilinniartitsisullu ujar- torpaat atuartut tiguartisimanerusut piffissaq sivisunerusoq atuarfimi sulianut atorlugu sivi- kinnerusorlu soorlu inuussutissarsiorluni suliner- mut atorlugu.

Eqqarsaatit tamakkua eqqarsaatigineqarput aprilimi ataasinngornerit arlaanni KIIP-ip gymnasiap nutarternera pillugu suleqatiissitaata aaqqissugaanik Kalaallit Nunaanni gym- nasiani tallimani tamani ulloq sammisaqarfik (temadag) ingerlanneqarmat. Suliassaasima- voq gymnasiatsialak takorluugaq allaaserissallugu, aammalu atuartut ilinniartitsisullu sule- qatigiikkaarlutik sulipput ukioqatigiikkaarneq klasseqatigiinnerlu aporfiginagit. Aamma atuartut ilinniartitsisoq pitsaanerpaq ajornerpaarl- u allaaserissavaat, ilinniartitsisullu taa- maaqataanik ilinniartoq pitsaanerpaq ajornerpaarl- u allaaserissallugit. Kiisalu ilinniartut suleqatigiikkaarlutik nuna tamakkerlugu politik- erinut sumiiffigisamilu politik- erinut ullup sammisaqarfiup naaneranut najuuteqqullugit qaaq- qusaasimasunut apeqqutissat ilusiler- sussavaat.

Siunissami gymnasiatsialak takorluugaq

Atuartut allaaserisaanniit nutarterinermut ataatsimiititap sammisat pingaernerit arfineq pin- gasut immikkoortissimavai: atuarfiup illutaani pissutsit, kollegiani pissutsit, atuarfiup aqun- neqarnera, fagit atuartitsinerlu, ilinniarn- erup aaqqissugaanera, kiisalu ilinniartitsisut, ilin- niartut atugarisai nalinginnaasut aamma atuartitsinerup avataatigut atuarfimmi ingerlatat.

Atuarfiup illutaanut atatillugu ilinniartut kissaatigisaat tassaanerupput kantine pitsaasunik peqqinnartunillu nerisassalik, inini atuarfiusuni tamani computerit, pequtit atuartunut ataa- siakkaanut naleqqutunngortinneqarsinnaasut atuarfiullu aaqqissugaanerani pingaartit- at allat soorlu assersuutigalugu iikkat qalipaatai, unikkallarn- erni ingerlatassat, silami atortut pitsaasut aamma eqqililuisaarneq eqqiaan- erlu pitsaanagerusut.

Kollegiat sammineqaqaat patsisaalluni gymnasiami atuartut affaasa missaat kollegiani atuarfimmut atasuni najugaqarmata. Ataatsimut isigalugu kissaatigineqarput kollegiat nu- taanagerusut pitsaanagerusullu soorlu ussissunik igalaallit orniginartunillu uffarfillit, atuartut qi- tornallit kollegiamiittut inissaqarnerunissaat kollegiamilu najugallit ataasiakkaat ataasiak- kaarlugit immikkut sullinneqarnerunissaat.

Amerlasuut kissaatigaat atuarfiup eqaannerusumik aqunneqarnissaa, soorlu atuartitsiner- mut skemat, klassimi ilinniartitsisut tamarmik suleqatigiinnerata ataqatigiiaagaanerunissaa aammalu atuarfiup pisortaasa, ilinniartitsisut ilinniartullu akornanni attaveqatigiinnerun- issaq. Amerlasuut siunnersuutigaat atuartut atuanngitsoortarnerannut malittarisassat, pine- qaatissiissutit aqunneqarnerallu sukaammerneqassasut.

Fagit atuartitaanerlu ataatsimut isigalugit amerlasuut kissaatigaat nunarsuarmut imminut qanilliartuinnartumut avammut isikkiveqarnerulernissaq fagini ataasiakkaani immikkut kalaallinut tunngasut ilanngussoriartornerannut ilanngullugu. Tamarmik isumaqatigiillutik kissaatigaat atuartitsinermi atortussat nutaat pitsaanerusullu, tamatumani ilanngullugit IT-p atuartitsissutigineqarnerani atortussat, amerlasuullu kissaatigaat atuartitsinermi atuakkatigut ilisimasat ulluinnarni sungiusarnermik akoqarnerulernissaat fagit arlallit peqatigiissumik ilisimalernissaannut assersuutit ilanngullugit.

Ilinniartitaanerup aaqqissugaaneranut pingaarnermut tunngatillugu amerlasuut siunnersuuteqarput fagit ataasiakkaat peeqqullugit ilanngutequllugilluunniit fagillu nammineq toqqagassat amerlanerusut ikinnerusulluunniit kissaataallutik. HTX- aamma HHX-gymnasiani fagit pilersitsiortorfiusinnaasut timersornerlu kissaatigineqarput, GU-mullu atuarfinni aningaasanut inuussutissarsiutinullu fagit kissaatigineqarlutik. Amerlasuut kissaatigaat fagit amerlanerusut A-tut qaffasissusillit, amerlasuullu kissaatigalugu linjegymnasium (aalajangersimasumik sammisaqarfiusoq) sammisap ataatsip iluani itisiliinissaq periarfissikkumallugu. Siunnersuutigineqarpoq atuarfiit akunnerminni suleqatigiinnerulernissaat, arlallit kissaatigaat praktikertalersinnaaneq, arlallillu siunnersuutigaat gymnasiani tamani inersimasut ukioq ataaseq atuariarlutik soraarummeerfissaannik pilersitsinissaq.

Ilinniartitsisut atuartullu pillugit

Ilinniartitsisunut tunngatillugu isumaqatigiilluni kissaatigineqarpoq ilinniartitsisut ukiuni amerlanerusuni atuarfinniittarnissaat, aammalu ilinniartitsisut tikisitat Kalaallit Nunaannut tunngasunik ilisimasaqarluartuusariaqartut ilinniartitsisunik arlaleriinnik oqaasilinnik atorfnitsitassaqaangippat. Ilinniartut kissaatigaat ilinniartitsisut sulinerminni atugarissaarnerulissasut akissarsiaqarnerulerlutik soraarnerussutisiaallu qaffallutik, ilinniaqqinnissamut periarfissarissaarnerulissasut inigissaarnerulerlutillu, taarsiullugulu ilinniartut piumasaraat eqeersimaartumik tiguartisimaneruneq atuartullu ataasiakkaat ilinniartitaanerata eqqumaffigineqarnerunera.

Atuartut atugarisaat nalinginnaanerusut pillugit kissaatigineqarpoq ilinniagaqarnerisutit nutarterneqassasut atuartut qitornallit allanit tapiissutisiaqarnerulersillugit, aamma atuartut ukiumut marloriarlutik illoqarfimmut angerlarsimaffigisaminnut angalasinnaatillugit. Atuartut ilinniartitsisullu oqaatigaat atuartut amerlanerusut piareersarnermut akisussaanagerusariaqartut aammalu atuartitsinermi atuarfimmilu ingerlatani allani peqataallutik, soorlu elevrå-dini.

Atuartut akornanni aamma ilinniartitsisullu akornanni ataqatigiinneq nukittorsarumallugu atuarnerup avataatigut atuarfimmi sammisassaqaarnerulernissaq atuartut kissaatigaat. Periarfissat amerlaqaat: musicals, erinarsoqatigiit isiginnaartitsinerillu, ullut sammisaqarfiit, oqallitsitsinerit, nørdeaftner, caféaftner aamma filmaftner, nereqatigiinnerit, sisorariaqatigiinnerit aamma asiarnerit. Aamma siunnersuutigineqarput atuaqatinik ajorsaarinerit suliuteqarfiginerulernissaat aamma ajornartorsiutaajunnartut pillugit oqaloqatigiikkuutaarnissaq.

Nangissaaq

Nutarterinermut suleqatigiissitap nutaarsiassaqaarfik GU-F immikkut saqqummersiisimavaa ilinniartitsisut gymnasiami atuartumik pitsaanerpaamik allaaserisaat atuartullu gymnasiami ilinniartitsimik pitsaanerpaamik allaaserisaat imaritillugit. Immikkut naqitaq ullormit sammisaqarfimmit nutarterillunilu sulinermit paasissutissat allat ilanngullugit tamanit pissarsiari-neqarsinnaavoq gymnasiat nutartigaanerat pillugu saqqummersittakkami uani: www.nanoq.gl/kiiip.

Ilinniartut ilinniartitsisullu ullormi sammisaqarfimmi eqqarsaatai tamarmik nutarterinermut suleqatigiissitap suliaanut ilanngunneqarput gymnasiap pitsaanerpaap allaaserinerani pilersaarutit malillugit 1. august 2009-mi piviusunngortussami. Nutarterinermut suleqatigiissitap ullormi sammisaqarfimmi peqataasut tamaasa piffissamut nukinnullu atorsimasaannut qutsavigai.